

**Escudería Automobilística Ferrol**

Expediente :	C-PD-44/2022
Asunto:	Resolución autorización proba deportiva
Proba deportiva:	53 RALLYE DE FERROL
Solicitante:	Escudería Automobilística de Ferrol
Data celebración:	19 e 20 de agosto 2022
Horario:	Día 19 saída 1ª etapa ás 17.00- Día 20 saída da 2ª etapa ás 9.30
Vías afectadas:	Treitos cronometrados DP 3903, DP 5003, DP 7601
Concellos afectados:	As Somozas, Ferrol, Irixoa, Monfero e San Sadurniño

**FEITOS**

Primeiro.- O día 27 de xuño de 2022 recibíuse a solicitude de autorización da proba deportiva " **53 RALLYE DE FERROL** ", que se vai celebrar os días 19 e 20 de agosto 2022. A proba discorrerá polos concellos de As Somozas, Ferrol, Irixoa, Monfero e San Sadurniño. As vías afectadas son FE-15, E-1, AP-9, DP-4803, AC-154, AC-160, **DP-3903**, AC-151, **DP-5003**, DP-3902, DP-0905, DP-3901, DP-3902, AC-144, N-651, DP-3609, FE-13, AC-116, AG-64, AC-861, **DP-7601**, AC-110, DP-4904, AC-862, AC-101, AC-119, DP-3612, DP-3603, DP-3611 ( as resaltadas son dos treitos cronometrados).

Segundo.- No expediente consta a seguinte documentación: regulamento da carreira, memoria da proba, rutómetro, mapa do percorrido, libro de seguridade, cartel, servizos sanitarios, seguros de responsabilidade civil e accidentes e xustificante de pago da taxa reguladora.

Tamén achegaron os informes favorables dos concellos afectados e dos titulares das vías polas que discorre a proba (servizo provincial da Axencia Galega de Infraestruturas da Consellería de Infraestruturas e Mobilidade, servizo de Vías e Obras da Deputación Provincial, Demarcación de Estradas do Estado do Ministerio de Transportes, Movilidad y Agenda Urbana) ; do Servizo de Montes da Xefatura Territorial da Consellería do Medio Rural e do Servizo de Patrimonio Natural da Xefatura Territorial da Consellería de Medio Ambiente, Territorio e Vivenda.

Terceiro.- O promotor da proba achegou unha declaración responsable conforme a proba terá lugar seguindo as indicacións establecidas no Protocolo Covid da Federación de Automovilismo.



Cuarto.- Solicitouse o preceptivo informe á Xefatura Provincial de Tráfico, que se xunta á presente resolución, se incorpora como parte da súa motivación e condiciona a autorización solicitada, de xeito que poderá ser suspendida ou revogada no caso de incumprimento.

## FUNDAMENTOS DE DEREITO

Primeiro.- Real decreto 1640/1996, do 5 de xullo, sobre traspaso de funcións e servizos da Administración do Estado á Comunidade Autónoma de Galicia en materia de espectáculos públicos. Decreto 336/1996, do 13 de setembro (BOE do 17 de setembro), sobre asunción de funcións e servizos transferidos á Comunidade Autónoma de Galicia en materia de asociacións e espectáculos públicos e a súa asignación á entón Consellería de Xustiza, Interior e Relacións Laborais.

Segundo.- Na actualidade a competencia ven establecida aos xefes territoriais en virtude do Decreto 214/2020, do 3 de outubro.

Terceiro. O Anexo II do Real Decreto 1428/2003, do 21 de novembro, polo que se aproba o "Reglamento General de Circulación " establece no seu artigo 2 que a competencia para expedir a autorización para celebrar probas deportivas que se desenvolvan integramente por vías situadas dentro do ámbito territorial dunha comunidade autónoma, corresponderalle a esa comunidade autónoma.

Cuarto- Lei 20/2017, do 27 de decembro, de espectáculos públicos e actividades recreativas de Galicia e Decreto 98/2020, do 2 de xullo, polo que se regula o procedemento de autorización da celebración de espectáculos públicos e actividades recreativas que se desenvolvan en máis dun termo municipal da Comunidade Autónoma de Galicia.

Quinto- Acordo do Consello da Xunta de Galicia, do 12 de xuño de 2020, da Secretaría Xeral Técnica da Consellería de Sanidade, sobre medidas de prevención necesarias para facer fronte á crise sanitaria ocasionada polo Covid-19.

Sexto- Lei 39/2015, do 1 de outubro, de procedemento administrativo común da administracións públicas.

En virtude de todo o exposto,

## RESOLVO

Autorizar a celebración da proba deportiva **53 RALLYE DE FERROL**, os vindeiros días 19 e 20 de agosto de 2022. Deberán cumprir as condicións que se sinalan nos informes emitidos, así como o disposto nos artigos nos artigos 6 ao 14 do Anexo II, Sección segunda, do Real decreto 1428/2003, do 21 de novembro.

Tamén deberán cumprir con todo rigor o disposto no protocolo sanitario da Real Federación Española de Automovilismo (RFEDA) no ámbito Covid-19, tal como establece a Resolución de 12 de xuño de 2020 (DOG 13 de xuño), da Secretaría Xeral Técnica da Consellería de Sanidade, e as posteriores modificacións, así como as medidas sanitarias establecidas na lexislación vixente o día da celebración da proba. **O persoal da organización da proba deberá supervisar o cumprimento das medidas sanitarias indicadas.**



Contra a esta resolución poderá interpoñer recurso de alzada ante o Vicepresidente Segundo e Conselleiro de Presidencia, Xustiza e Deportes, no prazo dun mes que comezará a contar a partir do día seguinte ao da notificación desta resolución.

A Coruña, documento asinado electronicamente

